


लईका मन बर बाईबिल
प्रस्तुत करत हवे।



सरग हर
भगवान के
सुघर घर।



लिखे गए हवे। : Edward Hughes

उत्साह बढ़ाए गए हवे। : Lazarus
Alastair Paterson

चयन करे गए हवे। : Sarah S.

अनुवाद करे गए हवे। : मधुलिका महतो


बनाए गए हवे। : Bible for Children
www.M1914.org

©2020 Bible for Children, Inc.

लाइसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।



जब जीशु हर धरती मा रहिस तभै ओहर अपन चेला मन ला सरग
के बारे म बताइस। ओहर ओला अपन ददा के घर कसन
बताथे। अऊ कहिस कि ऊहां अबड़ अकन
महल हावे। अऊ कोनो सांसारिक
घर ले बड़ सुघर अऊ
अबड़ बड़खा हावे।



जीशु हर कहिस मे हर जा थव तुम्हर बर स्थान तियार करे बर ।
अऊ फेर मे हर लउट के आहूं । अपन संग मा तुमन ला वापस ले
जाए बर । जीशु हर मृत्यू ले जी उठे के बाद म सरग ला वापिस चल
दिस । जब तक ओकर चेला मन ओला देखत रहिन जीशु हर उपर
अंगत उठत जात रहिस ।

अऊ ओला बादर हर
उठा के ले गईस ।

ओमन के
आंखी
ले अबड़
दूर ।




तभे ईसाई मन जीशु ला सुरता राखिन हावे कि ओहर फेर वापिस
आहि अऊ ओमन ला अपन संग मा ले जाही । जीशु हर कहिस कि
ओहर झट के लौटिहि अऊ, जभे आस हर कम
होही । फेर ओकर ले का जो आए ले आघु
मर गे हवे । बाइबिल हर कथे कि ओमन
जीशु के संग अलगाय जाही । शरीर
ले छुट जाएले पाछु ओमन
भगवान के संग
मौजूद रही ।

भगवान के साथ
मौजूद



परकाशित वाक्य बाइबिल के सबले आखिरी किताब हर हमन ला ऐ
बताथे कि कतका सुघर स्वरग हावे ।सबले अचरज भरे गोठ इ हावे
कि एक अबड़ अनोखा रूप मा स्वरग हर भगवान के घर हावे ।

भगवान हर सबो जघा मा हावे
पर ओकर राज हर स्वरग
मा हावे ।



स्वरग अऊ अलगा पवित्तर आत्मा स्वरग मा भगवान करा वंदना
करथे । सबो झन के भगवान जेहर मर के स्वरग मा चले गे हावे ।
ओमन अबगा अलगा गीत गाथे । भगवान के
वंदना हो । इहां ऊ गीत कर अईसन कुछु
बोली हावे जेला ओमन गावथे । तेहर बध
होके अपन लहु ले हर कुल अऊ बोली
मइनखे अऊ जाति मे
ले भगवान के मइनसे
मन ल मोल ले
हावे । अऊ ओमन
ल हमर भगवान
बर इक राज अऊ
धरम गुरू

बनाए
हवे ।



बाइबिल के आखिरी पन्ना मा इ बताथे कि स्वरग हावे जोन हर
नावा जेरूसलम कस हावे । ओहर अबड़ बड़खा होही । बाहिरी
मौजूद ऊंचा भिथी के संग । भिथी हर जास पर पथरा के होही ।
मोती कस सफा अऊ चकमक वाला । हीरा अऊ गहना ले अनोखा
रंग ले

चमकत

भिथी हर

ढंकाए होही ।


बाहिर के हर

एक फाटक मा

मोती के अबगा

बड़खा टुकड़ा मन


ले बने होही ।




ऊ मोति के अबड़ बड़खा कपाट कभू बंद नी होही । भीतर चलथन
अऊ भीतर के लीला ला देखबो । आहा! स्वरग हर भीतर ले घलु
सुघर हावे । जभौ बाहिर हर शुध सोना ले बनीस हावे । सफा कांच
कस । इहां तक कि डहर
घलौ सोना के
बनिस हावे ।




इक सुघर पानी के सफा नदिया, भगवान के राज ले बहत हावे
नदिया के दूसर अंगत जीवन के रूख हर हावे। जोन हर सबले आघु
अदन कर बाग मा पाए जात रहिस। इहर एक अबड़ अनोखा रूख
हावे। एमा बारह परकार के अलगा अलगा फर हर लागथे। अऊ हर
माह म अलगा – अलगा अऊ इ जीवन कर रूख कर पतई संसार
ला चंगा करे बर हावे।



स्वरग ला कोन्हों परकार के सूरज अऊ चांद अंजोर करे बर दरकार
नी होवे। भगवान कर अचरज भरे चमक ऊ जगा मा अचरज भरे
अंजोरी ले भर देत हावे। ऊहां कभौ घलों कोन्हों अंधार नाई रहे।



इहा एक जानवर घलो स्वरग मा अलगा परकार के होवत है। उ सबो शांत अऊ संगवारी मन कस स्वभाव कस होवत हे। भेड़िया अऊ भेड़ी मन एक संगा दुबी ल चरथैं। इहां तक कि अबड़ बघवा घलौ कोलिहा कस दुबी ला खावत हावे। ओमन ना तो पीरा पाईही अऊ ना तो सिराए जाही। मोर सब्बो ले पवित्तर पहार म।



जबे हामन अपन अगल बगल मां देखेन हामन इ जांचेन कि स्वरग
ले कुछु चीज हर गायब हावे ।कोन्हो घलो गुस्सा ले भरे गोठ हर
सुनाई नी परें कोन्हो घलौ

ना त मतलबिहा
हावे अऊ ना तो
कोन्हो आपस
मा झगरा
करथे ।



काबर कि स्वरग मा कोन्हो घलो चोरहा नी हे। ओकरा कोन्हो लबरा नई हे। हत्यारा, चोरहा, अऊ अलगा बदमास मइनखे नाई हावे। स्वरग मा कोन्हो परकार के पाप नई हावे।




स्वरग मा भगवान के संग मा कुछु
घले आंसू नई हे । कभू कभू भगवान
कस मइनसे मन रो दारथे । अतके
सुघर जीवन ला देख के । स्वरग म
भगवान हर सब्बो के आंसू ला पोंछ
डारही ।




स्वरग मा कोन्हो परकार के मिरित्यू नाही हे। इहां तक कि भगवान
कर मइनसे मन सबो दिन भर ओखर संग म रहिन। अब कोन्हो
परकार के दुख, पीरा,बिलाप,नई हे। कोन्हो रकम के बीमारी,कोन्हो
फरक अऊ कोन्हो घलौ

मौत- माटी नई
है।स्वरग मासबो
मइनसे मन सब
दिन बर खुश
हावे।



सबले बढके स्वरग मा टूरा टूरी अऊ बड़खा मन घलौ जेन मन जीशु के उपर मा विश्वास करीन अऊ अपन रक्षक मान के अऊ ओखर आदर करीन भगवान जान के । स्वरग मा एक अईसन किताब जेन ला भेड़ी कर जीवन के किताब ऊ हर मइनखे मन के नाम ले भरे हावे । का आप मन जानत हो कि ओ किताब मा काखर नाम लिखे हावे ?

ऊ सब्बो मन जेमन भगवान जीशु मा विश्वास रखे होवे । का तुहर मन के नाम उहां हावे ।



बाईबिल कर आखिरी बानी जोनहर स्वरग के बारे म हावे ओहर
अबड़ अचरज भरे नेवता हावे । अऊ आत्मा अऊ दुल्हिन कहत हावे
अऊ आन देवा ओमन ला जेमन बुलाहट ला सुनत हावे । अऊ ऊ
मन ला घलौ भीतर आन देवा जेमन पियासा हावे । अऊ जेमन
घलौ चाहत होवे

ओहु मन
ल जीवन
कर
जल
ला
फोकट
मा लेन
देवा ।



सरग हर भगवान के सुघर घर ।

इ कथा हर भगवान के बचन के द्वारा एक ठी बाईबिल

पाए जाथे ।

युहन्ना २ कुरियन ७ परकाशित वाक्य ४, २१, २२

"आप मन कर बानी हर एला अंजोर देथे ।"

भजन संहिता ११७ : १३०



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

